



JAMHURI YA MUUNGANO WA TANZANIA  
WIZARA YA AFYA  
HOSPITALI YA RUFAA MKOA WA

# SHINYANGA



RAIS Dk. Samia Suluhu Hassan.

**MIAKA  
MITATU YA  
RAIS DK.  
SAMIA NA  
UBORESHAJI  
SEKTA YA  
AFYA NCHINI**



MGANGA Mfawidhi wa  
Hospitali ya Rufaa ya Mkoa  
Shinyanga (SRRH), Luzila John.

**HOSPITALI YA  
RUFAA MKOA  
WA SHINYANGA  
YAJIVUNIA  
MAFANIKIO  
TELE MIAKA  
MITATU YA MHE.  
DK. SAMIA**

IKIWA ni miaka mitatu imetimia tangu aingie madarakani Machi 19, 2021, Rais wa jamhuri ya Muungano wa Tanzania, Dkt. Samia Suluhu Hassan amekuwa chachu ya mafanikio makubwa ya uboreshaji wa huduma mbalimbali, hususani katika sekta ya afya.



## MIAKA MITATU YA RAIS DK. SAMIA NA UBORESHAJI SEKTA YA AFYA NCHINI

# Hospitali ya Rufaa mkoa wa Shinyanga yajivunia mafanikio tele miaka mitatu ya Mhe. Dk. Samia



**MGANGA** Mfawidhi wa Hospitali ya Rufaa ya Mkoa Shinyanga (SRRH), Luzila John.

KIWA ni miaka mitatu imetimia tangu aingie madarakani Machi 19, 2021, Rais wa jamhuri ya Muungano wa Tanzania, Dkt. Samia Suluhu Hassan amekuwa chachu ya mafanikio makubwa ya uboreshaji wa huduma mbalimbali, hususani katika sekta ya afya.

Uwepo wa Dkt. Samia madarakani katika kipindi cha miaka mitatu umesaidia upatikanaji wa dawa za kutosha pamoja na ununuzi wa vifaa tiba ambavyo awali havikuwepo katika baadhi ya Zahanati, Vituo vya Afya na Hospitali za Rufaa za Mkoa hapa nchini.

Mganga Mfawidhi wa Hospitali ya Rufaa ya Mkoa Shinyanga (SRRH), Luzila John, alieleza moja ya matokeo chanya makubwa ni kupunguza rufaa za wananchi mkoani Shinyanga na maeneo jirani kwenda kupata huduma katika Hospitali ya Rufaa Kanda

Bugando.

Dkt. Luzila alibainisha miaka mitatu ya Dkt. Samia kwa sasa imesaidia wananchi katika mkoa wa Shinyanga wamekuwa wakipata huduma hizo katika Hospitali yao ya Mkoa, Hospitali ambayo imepunguza usumbufu pia gharama za wananchi kwenda Bugando kupatiwa huduma.

### SHUKRANI KWA DKT. SAMIA

Shukrani za dhati na za kipekee zilitolewa Dkt. Luzila kwa Dkt. Samia kwa mchango wake mkubwa katika kuboresha huduma kwenye sekta ya afya, hususani katika Hospitali ya Rufaa ya Mkoa Shinyanga.

"Tunaishukuru serikali ya awamu ya sita chini ya Dkt. Samia kwa kuboresha huduma katika Hospitali yetu ambayo inahudumia jumla ya Halmashauri sita (6) zenye jumla ya Vijiji 513, ikiwemo ujenzi wa miundombinu na

**"Tunaishukuru serikali ya awamu ya sita chini ya Dkt. Samia kwa kuboresha huduma katika Hospitali yetu ambayo inahudumia jumla ya Halmashauri sita (6) zenye jumla ya Vijiji 513, ikiwemo ujenzi wa miundombinu na upatikanaji wa dawa na vifaa tiba",**

**Mganga Mfawidhi wa Hospitali ya Rufaa ya Mkoa Shinyanga (SRRH), Luzila John**



**CHUMBA** cha kuwezesha huduma ya CT-SCAN (CT-SCAN Control Panel) Hospitali ya Rufaa ya Mkoa Shinyanga.

upatikanaji wa dawa na vifaa tiba", alisema.

### (MAFANIKIO) KUKAMILISHA UJENZI WA MIUNDOMBINU

Alisema chini ya uwatawala wa Rais. Dkt. Samia, Hospitali hiyo ambayo ni mpya ilifanikisha kukamilisha ujenzi wa miundombinu ya majengo kwa awamu ya kwanza ikiwemo Jengo la Wagonjwa Mahututi (ICU) na Wahonjwa wa Nje (OPD).

### KUANZA KWA HUDUMA YA CT-SCAN

Aidha, Hospitali imefanikiwa kuanza kutoa huduma ya CT-SCAN iliyogharimu sh. bilioni 1,810,000,000 ambayo haikuwepo hapo mwanzo, na ikisaidia kupunguza usumbufu

wa wagonjwa kwenda Bugando, Mwanza, kwa ajili ya kupatiwa huduma hiyo.

Dkt. Luzila alisema huduma hiyo imesaidia kupata wateja kutoka mikoa jirani ikiwemo Simiyu, Geita, Tabora na hata Singida ambao wamekuwa wakisafiri kuja Shinyanga kutokana na ubora wa huduma zinazotolewa.

### HUDUMA YA X-RAY

Hospitali imeboresha huduma zake katika uwatawala wa Dkt. Samia kwa kufanikiwa kununua mashine ya kisasa ya X-RAY kwa sh. milioni 228,548,000 kupitia fedha za UVIKO-19.

### ULTRA SOUND MACHINE

Dkt. Luzila alisema Hospitali hiyo imefanikiwa kununua



**MASHINE** ya CT-SCAN katika Hospitali ya Rufaa ya Mkoa Shinyanga.



**UZALISHAJI** wa hewa ya Oksijeni (Oxygen Plant) katika Hospitali ya Rufaa ya Mkoa Shinyanga.

**MIAKA MITATU YA RAIS DK. SAMIA NA UBORESHAJI SEKTA YA AFYA NCHINI**

# Hospitali ya Rufaa mkoa wa Shinyanga yajivunia mafanikio tele miaka mitatu ya Mhe. Dk. Samia

Portable Ultra-Sound Mashine ya kisasa kwa gharama ya sh. milioni 71,540,000.

## UZALISHAJI WA TIBA HEWA (OXYGEN PLANT)

Alibainisha kuwa, huduma za uzalishaji wa Tiba Hewa (Oxygen Plant) hospitalini kwa ajili ya wagonjwa ulifanikiwa kuanza katika utawala wa awamu ya sita, uzalishaji ambao umesaidia kuhifadhi na kupunguza gharama za ziada, kwenda Mwanza na Tabora kwa ajili ya kufanya manunuzi.

## KUANZISHA HUDUMA YA TIBA MTANDAO (TELEMEDICINE)

Dkt. Luzila alisema huduma ya Telemedicine katika Hospitali hiyo imefanikiwa kuanzishwa. Huduma hiyo imesaidia kupunguza gharama za fedha kwa mgonjwa kusafiri kutoka Hospitali A kwenda B kwenda kupata huduma, kutokana na teknolojia yake inayoruhusu kutoa huduma kwa wagonjwa kwa njia ya mtandao bila kusafiri umbali mrefu.

## UJENZI WA MAJENGO

Halikadhalika alieleza, Hospitali imefanikisha kupata majengo matatu muhimu (yote yanatumika) kwa fedha za UVIKO-19, ambayo ni Jengo la Wagonjwa Mahututi (ICU) kwa sh. milioni 560, Jengo la Magonjwa ya Dharura (EMD) sh. milioni 650, na Jengo la Mionzi (Radiolojia) milioni 329, Jengo la Magonjwa ya Mlipuko (Isolation), bilioni 2 zilizowezeshwa na Global Fund pamoja nyumba ya Mganga Mfawidhi iliyowezeshwa na fedha za UVIKO-19, iliyogharimu milioni 90.

## MIKAKATI WALIYOJIWEKEA

Katika kuhakikisha Hospitali inastawisha maendeleo yenye afya chanya kwa wananchi wa mkoa wa Shinyanga na maeneo jirani, Dkt. Luzila alibainisha Hospitali

**Tunatoa shukrani za dhiti kwa Rais. Dkt. Samia Suluhu Hassan kwa kuimarisha upatikanaji wa huduma bora za afya katika mkoa wa Shinyanga, pia kwa kututengea pesa zitakazosaidia kukamilisha utoaji wa huduma katika hospitali kama vile Jengo la Mama na Mtoto, Maabara, Mochwari na Famasi ambapo serikali imeshatutengea kiasi cha zaidi ya bilioni 10 kwa ajili ya ujenzi huo katika mwaka wa fedha wa 2023/2024"**



**Mganga Mfawidhi wa Hospitali ya Rufaa ya Mkoa Shinyanga (SRRH), Luzila John**

itendelea kutoa huduma bora za kibingwa na kibingwa bobeezi ili kukidhi matakwa yao, pamoja na kupunguza wananchi kusafiri maeneo ya mbali.

Aidha, alisisitiza kuendelea kuboresha huduma nzuri katika Kitengo cha Mrejesho (Huduma kwa Mteja) ili kuwafanya wananchi wanaofika hospitalini kufarijika na kutokata tamaa ya kurejea tena mara baada ya kupatiwa huduma.

Vilevile alisema wataendelea kuimarisha huduma ya upatikani wa dawa zote na kwa wakati pia vifaa tiba kuboresha huduma nyingine kwa maslahi mapana ya kuokoa maisha ya wagonjwa.

Aliongeza jitihada za kusimamia ipasavyo miradi yote ya ujenzi kwa muda na ubora stahiki itazingatiwa ipasavyo.

Dkt. Luzila alieleza pia kuendelea kusimamia miiko na maadili ya kazi yanayohusu utumishi wa umma ili kuimarisha nidhamu na uwajibikaji mahala pa kazi.

## NENO KWA SERIKALI

Kutokana na jitihada ambazo serikali ya awamu ya sita inayoongozwa na Dkt. Samia, Dkt. Luzila alitoa shukrani zake kwa serikali.

"Tunatoa shukrani za dhiti kwa Rais. Dkt. Samia Suluhu Hassan kwa kuimarisha upatikanaji wa huduma bora za afya katika mkoa wa Shinyanga, pia kwa kututengea pesa zitakazosaidia kukamilisha utoaji wa huduma katika hospitali kama vile Jengo la Mama na Mtoto, Maabara, Mochwari na Famasi ambapo serikali imeshatutengea kiasi cha zaidi ya bilioni 10 kwa ajili ya ujenzi huo katika mwaka wa fedha wa 2023/2024", alisema.

## WITO

Dkt. Luzila alitoa wito kwa jamii

kwenda hospitalini hapo kwa ajili ya kupata huduma za kiafya kutokana na kuimarishwa zaidi tofauti na zamani, hususani uchunguzi wa magonjwa yasiyo ya kuambukiza, lakini vilevile alisema wanaendelea kutoa elimu kila siku kuhusiana na masuala ya afya, akiwataka wananchi wajitokeze kwa wingi sababu huduma inapatikana wakati wote.

## HISTORIA

Hospitali ya Rufaa ya Mkoa Shinyanga (SRRH) ni zao la iliyokuwa Hospitali ya Wilaya ya Shinyanga ambayo ilianzishwa kwa ajili ya kutoa huduma katika wilaya ya Shinyanga miaka ya mwanzo ya uhuru na ilipopewa hadhi ya mkoa, hospitali hiyo ikawa Hospitali ya Mkoa.

Kadiri miaka inavyokwenda hospitali imekuwa siyo tu kwa ukubwa na aina ya huduma zinazotolewa, lakini pia kwa

muundo na wataalamu wa afya. Ndiyo hospitali kubwa zaidi inayomilikiwa na serikali katika eneo hilo.

Ujenzi wa Hospitali mpya kwa lengo la kukidhi hadhi ya Rufaa ya Mkoa, ulianza mwaka 2014 na kukamilika rasmi 2022, mwaka ambao huduma zilianza kutolewa kwa awamu ya kwanza, kisha Julai 2023, Hospitali ilianza kutoa huduma zote katika majengo yake mapya.

Hospitali imejengwa Mwawaza, umbali wa kilomita 5.6 kutoka Shinyanga mjini.

## KLINIKA ZA KIBINGWA ZINAZOTOLEWA NA HOSPITALI HIYO

Kliniki ya Magonjwa ya Wanawake na Upasuaji  
Kliniki ya Magonjwa ya Moyo  
Kliniki ya Magonjwa ya Wajawazito  
Kliniki ya Magonjwa yasiyoambukizwa  
Kliniki ya Watoto



**CHUMBA cha watoto wachanga (NICU) Hospitali ya Rufaa ya Mkoa Shinyanga.**